

sie Gott vber dem Kinde in der noth angerufen/ vnd nach beschehenem Gebet/ im Nahmen des Vaters / vnd des Sohns vnd des heiligen Geistes getaufft haben / vnd daß sie nicht zweifeln/ sondern des auffß gewisset seyn/ wenn das Kindlein gleich so bald gestorben / das es dennoch recht getaufft were/ So sol es der Pfarrherr nicht wieder teuffen/ sondern es bey solcher Tauffe bleiben lassen/ vnd es alda in die Gemeine vnd Zahl der rechtschaffen Christen annehmen/ das Evangelium Marci am 10. So man bey der Tauffe zu lesen pfleget/ vber das Kind lesen/ vnd es durch das Gebet/ Gott dem Allmechtigen befehlen/ vnd im Namen des Herrn gehen lassen/ wie folget:

Der Pfarrherr frage also:

Lieben Freunde Christi/ weil wir allesampt in Sünden vnter Gottes zorn/ zum ewigen Tode vnd verdammus geboren werden/ vnd kein ander Mittel haben/ dadurch wir der Sünden

loß/